



Synfocity = 806

mail us at : mzsynfo@gmail.com; mizoramsynod@gmail.com - Phone - 2314648

March 11, 2021

☐ ***Kohhran Hmeichhe Inkhawmpui Lian***

Mizoram Presbyterian Kohhran Hmeichhe Inkhawmpui Lian vawi 49-na chu Khatla Kohhran Biak Inah March 10 & 11, 2021 chhung hian neih a ni.

March 10 (Nilaini) zan khan Pathian Biak Inkhawm Pi Lalrinkimi, Inkhawmpui Lian Chairman-in a kaihruai a, Jubilee Souvenir Bu leh Kristian Chhungkaw Research Booklet tlangzarh a ni a, Synod Moderator Rev. Dr. C. Lalhlira'n Pathian thuchah a sawi a, General Secretary Report leh Bial Report khawikhawmna ngaihthlak a ni bawk.

Tukin (March 11) zing dar 6:30 khan inkhawm a awm leh a, Pi Zoluri Sailo, Central Kohhran Hmeichhe Committee member-in a kaihruai a, inkhawmpui thupui "I Chatuan hmun tur khawiah nge?" tih chu Rev. B. Sangthanga, Executive Secretary i/c Kohhran Hmeichhia-in a sawi a, chhun lamah Rorel leh Hruaitu thar thlan a ni. Zan Inkhawm hi Pi Lalrinpuii, Inkhawmpui Lian Vice Chairman-in a kaihruai ang a, Kristian Chhungkaw dinhmun tehna No mawi hlan leh Kristian Chhungkaw Golden Jubilee pual Drama inziahsiak leh Hla inphuahsiak result puan leh lawmman sem a ni ang. Hruaitu thlan tharte Pathian hnena hlan a ni ang a, Pi Lalrinkimi, Inkhawmpui Lian Chairman-in Pathian thuchah a sawi ang. Hripui leng mek avangin Inkhawmpui Lian-ah hian Mizoram chhunga Pastor Bial tin aiawh palai pakhat zel chauh an kal a ni.

Kum 2020 chhung khan Mizoram Presbyterian Kohhran Hmeichhe inchhiarna Pastor Bial leh Kohhran mal anga zawmtu 206 an awm a, ni tin chhung inkhawm nei zat hi za zel-ah 68.19 percent a ni a, Buhfaitham tham zat hi za zel-ah 98.39 percent a ni. Hmeichhe member zat hi 1,83,922 niin member tam berna Bial hi Ramhlun North Bial an ni a, member 2,866 an awm.

☐ ***Chanchin Tha thlen Ni***

March 15, 2021 (Thawhtanni) hi Mizorama Chanchin Tha thlen Ni champha a ni a, Hripui leng avangin kum dang angin hman a remchang dawn lova, tualchhung kohhranin remchang a tih angin a hmang mai dawn a ni. Synod chuan thupui 2 - "Thil siam zawng zawng hnena Chanchin Tha hril" tih leh "Chanchin Tha thlentute hlutzia" tih thupui chu zirho turin a siam.

Mizorama Chanchin Tha thlen ni atana kan hman tak, March 15 hi Mizorama Chanchin Tha rawn puang hmasa bertu Rev. William Williams, Mizorama a rawn thlen ni champha a ni. Rev. William Williams hi Khasi rama Welsh missionary a ni a, Mizote chanchin a hriatin Mizote zinga Chanchin Tha hril a duh hle a. Mizo zingah missionary ni tura alo kal thei lo chungin Mizoram tlawh hram a tum a, Silchar DC remruatpuinain Sipaiho ruala lo kalin Mizoram a rawn lut a, a hmasa ber atan Mizote zingah Krista Chanchin Tha a rawn puang ta a. Rev. William Williams-a'n Mizoram a rawn thlen Ni hi Mizoram Presbyterian Kohhran te chuan Mizorama Chanchin Tha lo thlen Ni atan a hmang ta a ni.

March 15 (Thawhtanni) hi Kohhran Ni pawimawh Chanchin Tha thlen Ni anih avangin Synod Office leh Synod hnuaiia office hrang hrangte khar a ni ang.

☐ ***Synod Mission Board leh ram pawn chet velna***

◆ ***Home Mission South tlawh***

March 5 - 10, 2021 chhung khan Home Mission South-a thawktute tlawhin Mission Board Secretary Rev. C. Zoramawia leh Supervisor of Schools Pu T. Lalchhuangliana te an kal.

◆ ***Barak Area Committee***

March 12, 2021 (Inrinni) hian Barak Area Committee meeting turin Vairengte-ah Synod Moderator Rev. Dr. C. Lalhlira, Senior Executive Secretary Rev. Lianhmingthanga Sailo, Executive Secretary Rev. K. Lalrinmawia, Synod Secretary Upa Lalrinmuana leh committee member te - Rev. Dr. Lalchawimawia, Rev. R. Lalnuntluanga leh Upa Lalduhawma Ralte te an kal ang.

◆ ***Siliguri Mission Field***

March 1, 2021 (Thawhtanni) khan Siliguri Pastor Bial, Sawanline kohhran Biak In thar chu Rev. Lalhruaitluanga Ralte, Field Secretary-in a hawng a. Biak In hawn programme-ah hian ringthar 3 Lal Isua zui turin an inpe.

March 7, 2021 (Pathianni) khan ringthar 9 Lal Isua zui turin an inpe.

Contd...

◆ **Jharkhand Mission Field**

March 3, 2021 (Nilaini) khan ringthar 1 Lal Isua zui turin a inpe a, March 7, 2021 (Pathianni) khan ringthar 7 Lal Isua zui turin an inpe bawk.

◆ **Kolkatta Mission Field**

March 6, 2021 (Inrinni) khan Seekers Rally neih niin ringthar 65 Lal Isua zui turin an inpe.

◆ **Arunachal & Assam Mission Field (East)**

March 6, 2021 (Inrinni) khan ringthar 5 Lal Isua zui turin an inpe.

◆ **Masihi Sangati**

March 1 - 7, 2021 chung khan Kolasib Area Masihi Sangati ten Darnam-ah Crusade an nei a, March 6, 2021 (Inrinni) zan khan ringthar 35 Lal Isua zui turin an inpe a, March 7, 2021 (Pathianni) khan ringthar 22 Lal Isua zui turin an inpe bawk. Crusade chung hian ringthar 222 an tling a ni.

◆ **Karbi Anglong Mission Field**

March 7, 2021 (Pathianni) khan ringthar 6 Lal Isua zui turin an inpe.

◆ **Nepal Mission Field**

March 7, 2021 (Pathianni) khan ringthar 5 Lal Isua zui turin an inpe.

◆ **Arunachal & Assam Mission Field (North)**

March 7, 2021 (Pathianni) khan ringthar 2 Lal Isua zui turin an inpe.

◆ **Assam Mission Field**

March 7, 2021 (Pathianni) khan Bhairabkunda Pastor Bial Inkhawmpui vawi-2 na Supangaon Fellowship-ah neih a ni a. Inkhawmpui chung hian Ringthar 1 Lal Isua zui turin a inpe.

□ **Mizoram Christian College (MCC)**

Mizoram Christian College, Aizawl chuan March 8, 2021 (Thawhtanni) khan International Women's Day denchenin an college, Synod Higher Secondary School campus-ah hun an hman.

Prof. Lalbiakdiki Hnamte, Director, College Development Council, MZU leh Pi Zirkungi, Principal, Synod Higher Secondary School te chuan khuallian leh khual zahawm niin hun an hmanpui a ni.

Rev. Lalchungnunga, Principal, MCC chuan kalkhawmte lawmna thu sawiin ram changkang apiangin an hmeichhiate an chawisangin dinhmun tha zawka dah an tum thin a ti a.

Kalkhawmte hmaah khuallian Prof. Lalbiakdiki Hnamte chuan khawvel pumpui ngaihtuaha hmeichhe dinhmun a la that loh thu leh hmeichhia te hi hmeichhia an nih vang ngawta thlauhthlak an lo ni thin te, hnathawh inang rengah hmun tam takah hmeichhia-in hlawh tlem zawk an hmu thin te chu ngaimawhawm anih avanga Hmeichhiaten intluk tlang taka mipa te nena remchang an neih theihna atan tawng chhuah ngam a hun thu a sawi a. Hmeichhe dinhmun chawisan leh hamthatna atana hmalaknate hi mipa leh hmeichhe inepna atana hmalakna ni lovin, mipa leh hmeichhiate ang khat leh rual taka hmasawna atana hmalak anih zawk thin thute a sawi a. Hmeichhia te vek hi mahni hmeichhiatpuite thlavang hauh leh mahni chanvo haichhuah kawnga thanharh ngai an nih thu a sawi bawk.

Khual zahawm Pi Zirkungi pawhin thu sawiin 'Hmeichhiate hi Pathianin mipa nen inang lovin min siam mah sela mimal zalenna kawngah te, zirnaah leh chhungkua leh khawtlang inrelbawlnaah te intluktlanna a awm loh chuan hmasawna tluantling a awm thei lo a ni' a ti.

□ **Synod hnuaiia thawktu Asst. Coordinator leh Coordinator thenkhatte awmna hetiang siam siamrem a ni**

Pu Lalchungliana - Synfo (Coordinator)

Upa Lalthahluna Ralte - Aizawl Theological College (ATC) (Asst. Coordinator), Accountant hna a thawk ang

Pu Andrew Varte - Social Front (Asst. Coordinator)

Tv. Lalhmunzauva Tlau - MSSU (Asst. Coordinator)

Nl. Agnes Lalrinzuali - Synod Mission Board (Asst. Coordinator)

□ **Presbyterian English School (PES)**

March 9 - 12, 2021 chung hian PES hawng thar leh awmsa te tlawhin Sazep, Neihdawn leh Rabung khua-ah te Pu P.C Vanlalhruaia, Supervisor of Schools a kal.

□ **Trust**

March 9 & 10, 2021 khan Saitual Chhim Veng Pastor Quarters hmun enfelin Rev. Lianhmingthanga Sailo, Senior Executive Secretary leh Pu Lalramenga Royte, JE te an kal.

- ❑ **Synod Revival**
March 5 - 7, 2021 chhung khan Aizawl dai velah Operation Nehemia neiin Speaker leh Counsellor-te hmum 10 velah inthen darhin hun an hmang.
- ❑ **Prison Ministry**
March 14, 2021 (Pathianni) hian District Jail-ah hun an hmang ang.

- ❑ **Synod Relief Fund**
Tun hnaia harsatna hrang hrang nei te hnenah Synod Relief Fund atangin hetiang hian chhawmdawl na pek a ni.

S.No	Khua	Pek chhan	Chhungkaw zat	Pek zat
1.	S. Sabual	Damlo	1	Rs. 8,000/-
2.	Tlungvel Venghlun	Damlo	1	Rs. 8,000/-
3.	Khawhnai	In kang	7	Rs. 70,000/-
			TOTAL	Rs. 86,000/-

- ❑ **Chhim Bial**
 - ♦ March 3 & 4, 2021 chhung khan Synod Home Mission School, Bungtlang South leh Kawrthindengte'n Teachers' Training an nei a. Resource Person atan Pu Lalhmingmawia, Asst. Area Promoter leh Pu Saidingliana Sailo, Synod Office, Lunglei te hman an ni a. He hunah hian Evangelist Teacher mi 26-te kal khawmin Naupang zirtir dana Subject hrang hrangte zirin hun an hmang. Bungtlang South Pastor bialtu Rev. P.C Vanlalfinga leh Pro. Pastor Andrew Lalhruaitluanga te'n hunserh an hmanpui bawk. He Teachers' Training-ah hian Role of Teachers in Teaching tih te, Psychology(Age level) te, Communication in Teaching & Learning Process tih te, Questions Setting tih te, Class Room Management te, Problem Children tihte leh Lesson Plan chungchang bakah Subject pawimawh hrang hrangte thlur binga zir a ni.
 - ♦ March 2, 2021 (Thawhlehi) tlai dar 2:30 vel khan Darnamtlang, Bungtlang South Pastor Bial (Lawngtlai District) a kan Kohhran mi Pu Auala te chhungkaw chenna in chu bungrua engmah chuh hman lovin a kang ral vek mai a. He vanduaina tawh chungchangah hian Pu Lalhmingmawia, Asst. Area Promoter leh Pu Saidingliana Sailo, Synod Office, Lunglei te a hmunah kal nghalin, bialtu Pastor Rev. Vanlalfinga'n Administrative Secretary Rev. John Raldosanga aiawhin kangmei tuarte hi tanpuina a pe nghal. Vanduaithlak takin March ni 3, 2021 ni khan Kawrthindeng (Bungtlang South Pastor bial tho)-ah kan Kohhran mi tho Pu Zawma Rai leh Santi Kumar chenna in pawh bungrua engmah chuh hman lohvin a kang ral leh a, anni pawh hi tanpuina pek nghal an ni bawk.

- ❑ **Hruaina Eng FM Radio :**
MARCH 12, 2021 (FM Zoawi - Aizawl & Lunglei @ 7:30 p.m.):
Solo : Ruth Lalbiaknii - A va hlu em
Zaipawl : Kahrawt Bial Zaipawl - Chanchin Tha
Thusawi : Rev. Lalchhuanmawia - Chanchin Tha hril Kohhran hnapui
Solo : Jennifer Lalremruati - Chanchin Tha mitin tan
Zaipawl : Bungkawng Vengthar Kohhran Zaipawl - Lalpa tlangah

- ❑ **Susamachar Prasaran Programme :**
MARCH 14, 2021 (Pathianni) 5:00 pm. :
Group/Choir/Solo : Chanmari Masihi Sangati - Tu He Mera
Group/Choir/Solo : Dawrpui Bial Masihi Sangati - Jaya
Sermon : Rev. Laltharzuala - Masib hamara Adarsh
Group/Choir/Solo : Chanmari West - Yesu Mere
Group/Choir/Solo : Kawngkharmawii - Vandana

- ❑ **Moderator leh Executive Secretary-te Programme:**
Rev. Dr. C. Lalhlira : Moderator
 March 12 & 13, 2021 Barak Area Committee meeting, Vairengte
 March 16, 2021 Synod Service Board
 March 17, 2021 OM
 March 19 & 20, 2021 Manipur Area committee meeting, N.E. Khawdungsei
 March 21, 2021 N.E. Khawdungsei Bial

Rev. Lianhmingthanga Sailo : Senior Executive Secretary

March 12 & 13, 2021 Barak Area Committee meeting, Vairengte
 March 16, 2021 Synod Service Board
 March 17, 2021 OM
 March 19 & 20, 2021 Manipur Area committee meeting, N.E. Khawdungsei

Rev. B. Sangthanga : Executive Secretary

March 16, 2021 Synod Service Board
 March 17, 2021 OM
 March 18, 2021 Central Kohhran Hmeichhe Committee meeting
 March 19, 2021 SEC thurel bawhzui meeting

Rev. K. Lalrinmawia : Executive Secretary

March 12 & 13, 2021 Barak Area Committee meeting, Vairengte
 March 15, 2021 Seling tlangdung PES tlawh
 March 16, 2021 Synod Service Board
 March 17, 2021 OM
 March 18, 2021 PES committee meeting

ADVERTISEMENT

Mizoram Christian College (MCC) Main Building Tanhril-ah sak tur a ni a. Plan & Estimate siamtu tur mamawh a ni. A duh apiangin a hnuai mi ang hian an chanchin Synod Office, Trust Department-ah Office hun chhungin ni 15.4.2021 thleng thehluh theih a ni. Plan & Estimate siamtu tur chu Synod Trust Committee-in a thlang ang.

- | | |
|--|-----------------------------|
| 1. Firm hming leh Address | 2. Din tan ni |
| 3. Hnathawh tawh (Works Experience) | 4. Thawktu neih dan/dinhmun |
| 5. Sawrkar-a registration certificate (Xerox copy) | |

Sd/-, Rev. Lianhmingthanga Sailo
 Senior Executive Secretary
 i/c Synod Trust

HNA RUAK DIL THEIH

Mizoram Presbyterian Kohhran hnuai thawk turin a hnuai hnate hi a ruak a, kum 18 - 35 inkar, ni 22.4.2021-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna Form chu ni 12.3.2021 (Zirtawpni) atangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

- | | | |
|----|----------------------|---|
| 1. | Hna hming | : Archivist (Regular) - Aizawl Theological College-a thawk tur, Post - 1 |
| | Thiamna | : Graduate of any recognised university preferably with Theological degree recognised by Senate of Serampore College (University) |
| | Hlawh | : PM L-8, Rs. 19,300/- |
| 2. | Hna hming | : Peon cum Chowkidar (Contract) - Family Guidance & Counselling Centre-a thawk tur, Post - 1 |
| | Thiamna | : Class VIII Certificate holder |
| | Hlawh | : Synod hnuai Contract IV Grade IV hlawh |
| | Dil theih hun chhung | : Dt. 12.4.2021 (Thawhtanni), 3:00pm thleng |
| | Screening test/exam | : Dt. 16.4.2021 (Zirtawpni), 10:00 am |
| | Interview | : Dt. 22.4.2021 (Ningani), 11:00am |

Sd/-
 Rev. Lianhmingthanga Sailo
 Secretary, Synod Service Board
 Synod Office